



**Kartlegging av utvalde naturtypar i
Møre og Romsdal i
2015**

Bioreg AS Rapport 2016 : 02

BIOREG AS

Rapport 2016 : 02

Utførande institusjon: Bioreg AS http://www.bioreg.as/	Kontaktpersonar: Finn Oldervik og Sofrid Helene Lien Langmo (Tlf. 915 27 072)	ISBN-nr. 978-82-8215-307-2
Prosjektansvarleg: Finn Oldervik 6693 Mjøsundet Tlf. 71 64 47 68 el. 414 38 852 E-post: finn@bioreg.as	Finansiert av: Fylkesmannen i Møre og Romsdal	Dato: 1. april 2016
Referanse: Langmo, S. H. L & Oldervik, F. G. 2016. Kartlegging av utvalde naturtypar i Møre og Romsdal i 2015. Bioreg AS. Rapport 2016 : 02. ISBN 978-82-8215-307-2.		
Referat: På oppdrag frå Fylkesmannen i Møre og Romsdal har Bioreg AS registrert utvalde lokalitetar av slåttemark i Møre og Romsdal fylke. Lokalitetane ligg spreidd i heile fylket, og til saman vart 13 lokalitetar undersøkt. Av desse stetta 11 lokalitetar krava til slåttemark.		
4 emneord: Biologisk mangfald Raudlisteartar Slåttemark Registrering		

Figur 1. Framsida; Biletet viser prestekragar i slåttemark på Kvalsnes i Fræna kommune. (Foto: Bioreg AS ©).

FØREORD

På oppdrag frå Fylkesmannen i Møre og Romsdal har Bioreg AS utført kartlegging av utvalde naturtypar, med hovudfokus på slåttemark. 13 lokalitetar var melde inn, for det meste av grunneigarane, og desse vart undersøkt sommaren 2015. Av dei 13 lokalitetane vart det 11 som stetta krava til slåttemark. Desse er deretter skildra etter reviderte faktaark frå DN Handbok 13.

For oppdragsgjevaren har Geir Moen vore kontaktperson. For Bioreg AS har Finn Oldervik vore kontaktperson saman med Solfrid Helene Lien Langmo. Sistnemnde har også utforma mesteparten av rapporten samt utført feltarbeidet. Daglege leiar i Bioreg AS, Finn Oldervik har vore ansvarleg for kvalitetssikringa.

Vi takkar oppdragsgjevaren for tilsendt informasjon. Vidare vert grunneigarane på dei ulike lokalitetane takka for velviljig å stille opp både for å visa lokalitetane, og for å kome med verdfulle historiske opplysningar knytt til dei ulike lokalitetane. Også leiar av Stiftinga Seve-rinbrauta, Kirsti Indreeide vert takka for velvilje og opplysningar i samband med vitjinga vår der.

Aure/Rissa 01.04.2016

FINN OLDERVIK SOLFRID HELENE LIEN LANGMO

INNHOLD


1	BAKGRUNN	5
2	DEI ULIKE LOKALITETANE.....	5
3	UNDERSØKINGANE.....	5
4	OPPSUMMERING	6
5	LOKALITETSSKILDRINGAR.....	8
	SUNNMØRE	8
	Lok nr. 1. Vesterås; Litjegjerdet.....	8
	Lok nr. 2. Vesterås; Bruateingen, Småbakksenden, Litjebakken og Øvste Starreiten.	10
	Lok nr. 3. Vesterås; Trekanten	12
	Lok nr. 4. Vesterås; Gardskroken, Almene og Trekanten	14
	Lok nr. 5. Severinbrauta.....	16
	Lok nr. 6. Muriås; Storåkeren	19
	NORDMØRE.....	21
	Lok nr. 7. Bergset	21
	Lok nr. 8. Lykkjeliin	24
	Lok nr. 9. Tjønnberget.....	26
	ROMSDAL	29
	Lok nr. 10. Kvalsnes.....	29
	Lok nr. 11. Åsledbakken aust.....	31
6	LITTERATUR	33
	VEDLEGG 1 FULLE ARTSLISTER FRÅ REGISTRERINGANE I JULI 2015.	34

BAKGRUNN

På oppdrag for Fylkesmannen i Møre og Romsdal er 13 lokalitetar spreidd i Møre og Romsdal fylke undersøkt for å finna ut om lokalitetane stettar krava til den utvalde naturtypen slåttemark med verdi B – Viktig, eller A – Svært viktig. Dei fleste av desse er melde inn av grunneigarane, men nokre også av andre.

DEI ULIKE LOKALITETANE

Dei lokalitetane som skulle undersøkast i dette oppdraget ligg spreidd i fylket. På Sunnmøre er det tale om fire lokalitetar på Vesterås i Geiranger, ein på Severinbrauta i Eidsdalen og ein på Muriås i Valldal. I Romsdal vart tre lokalitetar undersøkt; ein på Kvalsnes i Fræna, ein på Vikebukt i Vestnes og ein ved Nordhaugan på Kleive i Molde. På Nordmøre er det tale om fire lokalitetar; ein på Tjønnberget i Surnadal, to på Fjellgardan og ein på Hafsåsen i Sunndal.



Figur 2. Kartet viser plasseringa av dei ulike lokalitetane. Kartet er utarbeidd i QGis.

UNDERSØKINGANE

Alle lokalitetane vart oppsøkt og undersøkt første halvdel av juli 2015. På fleire av dei var det også med lokalkjende ved kartlegginga. Desse kom med nyttig informasjon som seinare letta arbeidet med lokalitetsskildringane. Karplantefloraen vart via størst merksemrd ved undersøkingane, men også andre organismegrupper, slik som ymse småkryp inkl. sommarfuglar, sopp, mosar, lav og fugl m.m. vart registrert i den grad ein observerte noko av interesse. Ein reknar med at undersøkingane vart utført litt for tidleg til å kunne fange opp fungaen skikkelig, og eventuelle førekommstar av beitemarksopp er vurdert ut frå potensiale slik vi reknar det, samt ut frå tidlegare funn i områda rundt lokalitetane. GPS vart nytta for nøyaktig stadfesting

av interessante funn. Artslister vil etter kvart bli lagt inn i Artsobservasjonar slik at dei kjem fram på Artskart.

OPPSUMMERING

Av dei opphavlege 13 innmeldte lokalitetane, var det 11 som stetta kravet til slåttemark av A- eller B-verdi. Ut frå tilstanden i dag fekk alle desse verdien; Viktig – B, men fleire av dei har berre svak B-verdi, for det meste grunna manglende skjøtsel eller meir eller mindre tydeleg spor etter tidlegare gjødsling. Dei aller fleste av dei registrerte lokalitetane er i dag skjøtta ved slått. Unntaket er lokaliteten i Lykkjeliin i Sunndal, der slåtten ligg nokre år tilbake i tid. Fleire av dei, som mellom anna lokalitetane Kvalsnes i Fræna og Åslebakken aust i Vestnes er slått med traktor og førhaustar. Felles for alle dei registrerte lokalitetane er at det har vore brukt svært lite eller inkje av kunstgjødsel, samt at jordpåverknad som til dømes pløying ligg langt attende i tid. Dei fleste har nok helst likevel vore gjødsla litt med husdyrgjødsel tidlegare. På fleire av lokalitetane veks det ein god del hundegras, slik som mellom anna på Severinbrauta i Eidsdalen og lokalitetane på Vesterås i Geiranger. Truleg er dette eit resultat av attgroing eller oppgjødsling med husdyrgjødsel, snarare enn pløying og tilsåing. Lokalitetane i Romsdal (Kvalsnes og Åslebakken), samt Tjønnberget på Nordmøre, ligg i intensivt drive jordbruksbygder med få liknande lokalitetar. Elles ligg alle lokalitetane i kulturlandskap der det er registrert liknande lokalitetar tidlegare; både nasjonalt og regionalt viktige lokalitetar.

Dei som ikkje nådde opp. Dei to siste undersøkte områda ved Lykkjån i Svisdal (i Sunndal kommune) og ved Nordhaugan på Kleive i Molde kommune, verka å vere for oppgjødsla til å kunne registrerast som slåttemark. På Kleive vart alt graset i fjor liggjande etter slåtten (Ole Ytterhaug pers. Meld.), og hundegraset stod tett og var svært høgt, stadvis over 1,5 m. Om slåtten her held fram som før, bør denne lokaliteten undersøkast på nytt om nokre år for å sjå om gjøselverknadane av dette har minka. På Lykkjån i Svisdal, fekk ein opplysningar av tidlegare grunneigar at det hadde vore drive ordinær jordbruksdrift inntil for om lag 15 år sidan (Torleif Svisdal pers. meld.). Her var det også rimeleg klare spor etter jordarbeiding (tilsådd åker) og gjødsling med mellom anna mykje engsyre og bakkesoleie i engene.



Figur 3. Høgvakse hundegras på Kleive i Molde. Det finst likevel mindre område med anna og meir spennande artsmanifold også på denne lokaliteten. (Foto: Bioreg AS ©).

Tabellen under viser ei oppsummering av resultata frå registreringane sumaren 2015.

Tabell 1. Oversikt over dei underøkte lokalitetane, både dei som vart registrert som slåttemark, og dei som ein ikkje fann at stetta krava til slåttemark. Grunnen til at eit par av lokalitetane på Vesterås har så lange namn, er at dei omfattar fleire teigar, og også har fleire grunneigarar.

KOMMUNE	ID	LOKALITET	NATURTYPE	VERDI
SUNNMØRE				
Stranda	1	Vesterås; Litjegjerdet	Slåttemark	B
Stranda	2	Vesterås; Bruateigen, Småbakksenden, Litjebakken og Øvste Starreiten	Slåttemark	B
Stranda	3	Vesterås; Trekanten	Slåttemark	B
Stranda	4	Vesterås; Gardskroken, Almene og Trekanten	Slåttemark	B
Norddal	5	Severinbrauta	Slåttemark	B
Norddal	6	Muriås; Storåkeren	Slåttemark	B
NORDMØRE				
Sunndal	7	Bergset	Slåttemark	B
Sunndal	8	Lykkjeliin	Slåttemark	B
Surnadal	9	Tjønnberget	Slåttemark	B
Sunndal		Lykkjån	-	-
ROMSDAL				
Fræna	10	Kvalsnes	Slåttemark	B
Vestnes	11	Åsledbakken aust	Slåttemark	B
Molde		Nordhaugan på Kleive	-	-

LOKALITETSSKILDRINGAR

På dei neste sidene fylgjer lokalitetsskildringar for dei lokalitetane som er registrerte som slåttemark. Oppsett og skildring er basert på nyaste versjon av faktaarka frå DN Handbok 13, publisert på Miljødirektoratet sine heimesider i juli 2015.

SUNNMØRE

Lok nr. 1. Vesterås; Litjegjerdet. Verdi; Viktig – B.

Stranda kommune i Møre og Romsdal

Naturbase-nummer: NY

UTM EUREF89 32V N 6886689 A 407328

Areal: 0,3 daa

Naturtyperegistreringar:

Naturtype: Slåttemark 100 %.

Utfoming: Fattig slåtteeng (100 %)

Vernestatus: Lokaliteten ligg innanfor Geiranger og Herdalen Landskapsvernombord

Feltsjekk: 08.07.15 av Solfrid Helene Lien Langmo.

Avgrensingspresisjon: < 5 meter. Målemetode: Avgrensa etter flyfoto og bruk av GPS.

Innleiing: Lokalitetsskildringa er utarbeidd av Solfrid Helene Lien Langmo, Bioreg AS, basert på eige feltarbeid 08.07.2015 utført i samband med kartlegging av utvalde naturtypar på oppdrag for Fylkesmannen i Møre og Romsdal. Lokaliteten er ikkje tidlegare undersøkt, men vart meldt inn som potensiell slåttemark av Maud Grøtta i Landbruk Nordvest, i samband med utarbeiding av skjøtselsplaner på fleire nærliggjande lokalitetar på Vesterås. Grunneigarane på Vesterås, Oddvin og Arnfinn Westerås var begge med på undersøkingane. Lokaliteten ligg innanfor Geiranger og Herdalen landskapsvernombord.

Lokalisering og naturgrunnlag: Lokaliteten ligg øvst på innmarka ovanfor Vesterås i Stranda kommune, og består av ei lita eng for det meste avgrensa av ungskog. I sør heng den så vidt saman med innmarka. Berggrunnen består av gneis (ikkje inndelt). Lausmassane består for det meste av tynne morene-massar. Området ligg i sør-boreal (SB) vegetasjonssone, og på grensa mellom svakt oseansk vegetasjonsseksjon (O1), og overgangsseksjon mellom oseaniske og kontinentale vegetasjonsseksjonar (OC).

Naturtypar, utfomingar og vegetasjonstypar: Lokaliteten er avgrensa som naturtypen slåttemark av utfominga fattig slåtteeng (100 %). Etter NiN er lokaliteten å rekne som seminaturleg eng (T 32). Naturtypen kulturmarkseng der slåttemark er inkludert er vurdert som Sårbar - VU i Norsk raudliste for naturtypar fra 2011, medan slåtteeng i seg sjølv er vurdert som sterkt truga - EN. Dette er også ein utvalt naturtype etter naturmangfaldlova

Artsmangfald: Rundt lokaliteten står skogen tett, og denne består for det meste av ung bjørk og ein del osp, særleg ned mot elva. I enga dominerer artar som blåklokke, finnskjegg, gulaks, raudsvingel og tiriltunge, i tillegg til mellom anna bakkefrytle, blåkoll, harerug, lækjeveronika, markjordbær, raudkløver, raudknapp, ryllik, skogstorkenebb og smalkjempe. Ned mot skogen der skuggeverknadane er størst, er arts mangfaldet noko mindre. Her finst likevel artar som bleikstorr, glattmarikåpe, gråstorr, harerug, kvitbladtistel og sumpmaure i tillegg til meir spreidde innslag av fleire av dei nemnde artane. Opp mot skogen i overkant av lokaliteten aukar innslaget av bregnar som skogburkne og hengeveng. Mosedekket er godt på det meste av lokaliteten. Ein reknar med at det er et visst potensiale for beitemarksopp her.

Bruk, tilstand og påverknad: Gamle flyfoto frå området viser at lia ovanfor Vesterås tidlegare var mykje meir opa enn det den er i dag, dette grunna mykje høgare beitetrykk tidlegare. Særleg dei sørlegaste og flataste delane av lokaliteten, er skuggepåverka grunna ospetrea rundt denne delen av lokaliteten. I lia nord og aust for lokaliteten er det rydda ein del skog i løpet av dei seinare åra. Her er slåtteskjøtselen delvis teke opp att, og ein må rekn med at også desse områda etter kvart kan reknast som slåttemark. Her har det i følgje Arnfinn Westerås (pers. meld) stått ein del unge bjørketre, om lag 10-15 år gamle. Eit gjerde deler i dag lokaliteten i to. Sør for gjerdet er området skjøtta ved slått, og nord for gjerdet beiter sau heile sesongen.

Framande artar: Ingen registrerte.

Del av heilskapleg landskap: Lokaliteten utgjer ein del av det godt bevarte og svært verdfulle kulturlandskapet på Vesterås og Hole. Mange av engene her er framleis skjøtta med slått i tillegg til beite. Ein del av engene er pløygd, og mykje av arealet har meir eller mindre spor etter gjødsling. Innimellom finst godt bevarte tørrenger saman med kulturelement som rydningsrøyser, steingardar, bakkemurar og styvingstre. Mange av dei tilsvaranande kulturlandskapa i området er meir eller mindre attgrodde. Eksempel på slike er områda rundt Møll/Grande og hyllegardane utover i fjorden.

Skjøtsel og omsyn: Sein slått og bakketurking av avlinga er naudsynt for å ta vare på det biologiske mangfaldet innanfor lokaliteten. I tillegg må skogen i sør og vest tynnast noko, og skogen i aust og nord må hindrast i å spreie seg inn på lokaliteten. Lokaliteten må ikkje pløyast, grøftast, sprøytast eller gjødslast. Det må vurderast kor vidt gjerdet som i dag deler lokaliteten i to skal flyttast noko mot nord/aust for å kunne kontrollere beitetrykket i sommarsesongen.

Verdivurdering: Ut frå faktaark for slåttemark frå juni 2015 oppnår lokaliteten låg vekt for areal (om lag 0,3 daa), typevariasjon, raudlistearter og artsmangfald. Den oppnår elles høg vekt for påverknad og tilstand ut ifrå bruken av arealet. Den oppnår også høg vekt på landskapsøkologi ut i frå at den ligg i eit svært verdfullt område med mange liknande lokalitetar. Ut frå dette oppnår lokaliteten verdien; Viktig – B. Verdien er riktig nok svak grunna attgroingo i kantane av lokaliteten, samt at delar av den i dag er skjøtta ved beite. Den delen som er skjøtta med beite har likevel svært godt restaureringspotensiale som slåttemark, samt at skogrydding og restaurering allereie er i gang, og verdien vil utvilsamt auke no som slåtteskjøtselen også på denne delen vert teke opp att.



Figur 4. Eit gjerde deler lokaliteten i to. Som ein ser er det eit lite parti også utanfor gjerdet som har svært flat og fin struktur og som er inkludert i lokaliteten. Det er liten skilnad på artssamansetninga utanfor og innanfor gjerdet. Legg merke til den tette ospeskogen ned mot elva. (Foto: Bioreg AS ©).

Lok nr. 2. Vesterås; Bruateigen, Småbakksenden, Litjebakken og Øvste Starreiten. Verdi: Viktig - B.

Stranda kommune i Møre og Romsdal

Naturbase-nummer: NY

UTM EUREF89 32V N 6886689 A 407328

Areal: 2,5 daa

Naturtyperegistreringar:

Naturtype: Slåttemark 100 %.

Utforming: Fattig slåtteeng (60 %), fattig slåttetørreng (40 %).

Vernestatus: Lokaliteten ligg innanfor Geiranger og Herdalen Landskapsvernområde

Feltsjekk: 08.07.15 av Solfrid Helene Lien Langmo.

Avgrensingspresisjon: < 5 meter. Målemetode: Avgrensa etter flyfoto og bruk av GPS.

Innleiing: Lokalitetsskildringa er utarbeidd av Solfrid Helene Lien Langmo, Bioreg AS, basert på eige feltarbeid 08.07.2015 utført i samband med kartlegging av utvalde naturtypar på oppdrag for Fylkesmannen i Møre og Romsdal. Lokaliteten er ikkje tidlegare undersøkt, men vart meldt inn som potensiell slåttemark av Maud Grøtta i Landbruk Nordvest, i samband med utarbeiding av skjøtselsplaner på fleire nærliggjande lokalitetar på Vesterås. Grunneigarane på Vesterås, Oddvin og Arnfinn Westerås var begge med på undersøkingane. Lokaliteten ligg innanfor Geiranger og Herdalen landskapsvernområde. Grunnen til det lange namnet på lokaliteten, er at den strekkjer seg over fleire ulike teigar.

Lokalisering og naturgrunnlag: Lokaliteten ligg like ovanfor vegen som går til Vesterås, og består av ei lita eng for det meste avgrensa av meir oppgjødsla og jordarbeidde areal. Delvis er enga grunnlendt, og stadvis finst også litt berg i dagen. Innimellan finst areal med djupare jord. Berggrunnen består av gneis (ikkje inndelt). Lausmassane består for det meste av tynne morenemassar. Området ligg i sør boreal (SB) vegetasjonssone, og på grensa mellom svakt oseanisk vegetasjonsseksjon (O1), og overgangsseksjon mellom oseaniske og kontinentale vegetasjonsseksjonar (OC).

Naturtypar, utformingar og vegetasjonstypar: Lokaliteten er avgrensa som naturtypen slåttemark av utformingane fattig slåtteeng (60 %) og fattig slåttetørreng (40 %). Det meste av lokaliteten er likevel å rekne som intermediære slåtteenger, og særleg gjeld dette dei grunnlendte partia. Elles finst også fragment av fattig slåttefukteng i aust, samt i samband med eit kjeldeframspring i øvre delar av lokaliteten. Etter NiN er lokaliteten å rekne som seminaturleg eng (T 32). Naturtypen kulturmarkseng der slåttemark er inkludert er vurdert som Sårbar - VU i Norsk raudliste for naturtypar fra 2011, medan slåtteeng i seg sjølv er vurdert som sterkt truga - EN. Dette er også ein utvalt naturtype etter naturmangfaldlova.

Artsmangfald: Rundt lokaliteten finst for det aller meste meir oppgjødsla enger dominert av mellom anna hundegras. I enga dominerer artar som engkvein, gulaks, raudkløver, raudknapp, raudsvingel, rylik og småengkall. Elles finst mellom anna blåklokke, blåkoll, engsmelle, firkantperikum, harestorr, kvann, kvitbladtistel, kvitmaure og stormaure. I område med djupare jord finst i tillegg noko englodnegras, engreverumpe, hundegras, og hundekjeks. I turrare parti veks også bitterbergknapp, fjellmarikåpe, gulmaure, lintorskemunn, markjordbær, småsmelle, tepperot, tilrlunge, vill-lauk og åkerstemor. I den vesle kjelda øvst i lokaliteten finst mykje kjeldemosar saman med ryllsiv og bekkeblom. I tillegg finst nokre einerbuskar og eit par rosekratt i busksjiktet. Mose-dekket er godt der graset ikkje er for tjukt. Ein reknar elles med at det er et visst potensiale for beitemarksopp her.

Bruk, tilstand og påverknad: Lokaliteten er i dag skjøtta ved slått, og gamle flyfoto frå området viser at lokaliteten også tidlegare har vore nytta som slåttemark. Også artssamansetninga og strukturen i marka vitnar om slåtteskjøtsel over lang tid. I og med at denne lokaliteten er noko meir grunnlendt enn ein del av dei omkringliggjande areala, er meir av det opphavlege artsmanfaldet teke vare på. Dette grunna det noko skrinnare jordsmonnet, samt at desse områda i mindre grad har vore jordarbeidd og tilsådd enn dei partia som har djupare jordsmonn. Truleg har også noko av den vore jordarbeidd, men dette ligg lenger tilbake i tid. Delar av lokaliteten har difor noko preg av å vere gamaleng, men er inkludert av arronderingsmessige årsakar.

Framande artar: Ingen registrerte.

Del av heilskapleg landskap: Lokaliteten utgjer ein del av det godt bevarte og svært verdfulle kulturlandskapet på Vesterås og Hole. Mange av engene her er framleis skjøtta med slått i tillegg til beite. Ein del av engene er pløygd, og mykje av arealet har meir eller mindre spor etter gjødsling. Innimellan finst godt bevarte tørrenger saman med kulturelement som rydningsrøyser, steingardar, bakkemurar og styvingtre. Mange av dei tilsvarannde kulturlandskapa i området er meir eller mindre attgrodd. Eksempel på slike er områda rundt Møll/Grande og hyllegardane utover i fjorden.

Skjøtsel og omsyn: Sein slått og bakketurking av avlinga er naudsint for å ta vare på det biologiske mangfaldet innanfor lokaliteten. Kor vidt dei turraste partia skal slåast kvart år, er noko usikkert. Lokaliteten må ikkje pløyast, grøftast, sprøytast eller gjødslast. Det må heller ikkje gjerast inngrep i lokaliteten i samband med eventuelle utbetringar av vegen nedanfor lokaliteten.

Verdivurdering: Ut frå faktaark for slåttemark frå juni 2015 oppnår lokaliteten høg vekt for areal (om lag 2,5 daa), middels vekt for typevariasjon og låg vekt for raudlistearter og artsmangfald. Den oppnår elles høg vekt på påverknad og tilstand ut ifrå bruken av arealet. Den oppnår også høg vekt på landskapsøkologi ut i frå at den ligg i eit svært verdfullt område med mange liknande lokalitetar. Ut frå dette oppnår lokaliteten verdien; Viktig – B. Verdien er likevel noko svak grunna spora etter gjødsling, men vil auke med riktig skjøtsel.



Figur 5. Lokaliteten sett frå vest mot aust. Som ein ser varierer djupna på jordsmonnet mykje her. (Foto: Bioreg AS ©).

Lok nr. 3. Vesterås; Trekanten. Verdi: Viktig - B.

Stranda kommune i Møre og Romsdal

Naturbase-nummer: NY

UTM EUREF89 32V N 6886639 A 407035

Areal: 0,3 daa

Naturtyperegistreringar:

Naturtype: Slåttemark 100 %.

Utfoming: Fattig slåtteeng (80 %) og fattig slåttetørreng (20 %).

Vernestatus: Lokaliteten ligg innanfor Geiranger og Herdalen Landskapsvernområde

Feltsjekk: 08.07.15 av Solfrid Helene Lien Langmo.

Avgrensingspresisjon: < 5 meter. Målemetode: Avgrensa etter flyfoto og bruk av GPS.

Innleiing: Lokalitetsskildringa er utarbeidd av Solfrid Helene Lien Langmo, Bioreg AS, basert på eige feltarbeid 08.07.2015 i samband med kartlegging av utvalde naturtypar på oppdrag for Fylkesmannen i Møre og Romsdal. Lokaliteten er ikkje tidlegare undersøkt, men vart meldt inn som potensiell slåttemark av Maud Grøtta i Landbruk Nordvest, i samband med utarbeiding av skjøtselsplaner på fleire nærliggjande lokalitetar på Vesterås. Grunneigarane på Vesterås, Oddvin og Arnfinn Westerås var begge med på undersøkingane. Lokaliteten ligg innanfor Geiranger og Herdalen landskapsvernområde. At det finst to teigar på Vesterås som heiter Trekanten, skuldast at desse tilhører to ulike bruk.

Lokalisering og naturgrunnlag: Lokaliteten ligg like ovanfor vegen som går til Vesterås, og består av ei lita eng for det meste avgrensa av meir oppgjødsla og jordarbeidde areal og vegar. Delvis er enga grunnlendt, og stadvis finst også litt berg i dagen. Innimellom finst areal med djupare jord. Berggrunnen består av gneis (ikkje inndelt). Lausmassane består for det meste av tynne morenemassar. Området ligg i sørboreal (SB) vegetasjonszone, og på grensa mellom svakt oseanisk vegetasjonsseksjon (O1), og overgangsseksjon mellom oseaniske og kontinentale vegetasjonsseksjonar (OC).

Naturtypar, utformingar og vegetasjonstypar: Lokaliteten er avgrensa som naturtypen slåttemark av utformingane fattig slåtteeng (80 %) og fattig slåttetørreng (20 %). Det meste av lokaliteten er likevel å rekne som intermediær slåtteeng, og særleg gjeld dette dei grunnlendte partia. Etter NiN er lokaliteten å rekne som seminaturleg eng (T 32). Naturtypen kulturmarkseng der slåttemark er inkludert er vurdert som; Sårbar - VU i Norsk raudliste for naturtypar fra 2011, medan slåtteeng i seg sjølv er vurdert som; Sterkt truga - EN. Dette er også ein utvalt naturtype etter naturmangfaldlova

Artsmangfald: Rundt lokaliteten finst for det aller meste meir oppgjødsla enger dominert av mellom anna hundegras. Innanfor lokaliteten finst og mykje av artar som; engkvein, gulaks, raudknapp og rylik. Av andre artar kan nemnast; blåklokke, engsmelle, fuglevikke, gjerdvikke, harestorr, kvitkløver, raudkløver og skarmarikåpe. I turrare parti langs murane finst i tillegg bitterbergknapp, gulmaure, humle (i muren), småsmelle, stankstorkenebb og sølvture. Stadvis ber også denne enga preg av noko oppgjødsling med artar som hundegras og engreverumpe. Mosedekket er godt der graset ikkje er for tjukt. Ein reknar elles med at det er et visst potensiale for beitemarksopp her.

Innanfor lokaliteten står to store, styva almetre (VU). Det eine av desse var i fylgle Arnfinn Westerås sist styva for fire år sidan.

Bruk, tilstand og påverknad: Lokaliteten er i dag skjøtta ved slått, og gamle flyfoto frå området viser at lokaliteten også tidlegare har vore nytta på same måten. Også artssamsetninga og strukturen i marka vitnar om slåtteskjøtsel over lang tid. I og med at denne lokaliteten er noko meir grunnlendt enn ein del av dei omkringliggjande areala, er meir av det opphavlege arts Mangfaldet teke vare på. Dette grunna det noko skrinnare jordsmonnet, samt at desse områda i mindre grad har vore jordarbeidd og tilsådd enn dei partia som har djupare jordsmonn. Det er likevel svake spor etter gjødsling innanfor mykje av lokaliteten. Truleg har også noko av den vore jordarbeidd, men dette ligg lenger tilbake i tid. Delar av lokaliteten har difor meir preg av å vere gammaleng, men er inkludert av arronderingsmessige årsakar.

Framande artar: Ingen registrerte.

Del av heilskapleg landskap: Lokaliteten utgjer ein del av det godt bevarte og svært verdfulle kulturlandskapet på Vesterås og Hole. Mange av engene her er framleis skjøtta med slått i tillegg til beite. Ein del av engene er pløygd, og mykje av arealet har meir eller mindre spor etter gjødsling. Innimellom finst godt bevarte tørrenger saman med kulturelement som rydningsrøyser, steingardar, bakkemurar og styvingtre. Mange av dei tilsvaranande kulturlandskapa i området er meir eller mindre attgrødd. Eksempel på slike er områda rundt Møll/Grande og hyllegardane utover i fjorden.

Skjøtsel og omsyn: Sein slått og bakketurking av avlinga er naudsint for å ta vare på det biologiske mangfaldet innanfor lokaliteten. Lokaliteten må ikkje pløyast, grøftast, sprøytast eller gjødslast. Det må heller ikkje gjera inngrep i lokaliteten i samband med eventuelle utbetringer av vegen nedanfor lokaliteten. Grunna spora etter gjødsling her, er det veldig viktig at arealet vert slått kvart år. Også styvinga av almene må oppretthaldast om ikkje skuggeverknadane på slåtteenga under skal verte for stor. Slike tre er også svært verdfulle for mange artar

frå mange ulike organismegrupper som til dømes insekt, lav og sopp, samt at dei utgjer verdfulle element i kulturlandskapet.

Verdivurdering: Ut frå faktaark for slåttemark frå juni 2015 oppnår lokaliteten låg vekt for areal (om lag 0,3 daa), middels vekt for typevariasjon grunna førekommstane av tørreng, og låg vekt for raudlistearter og arts mangfald. Den oppnår elles høg vekt på påverknad og tilstand ut ifrå bruken av arealet. Den oppnår også høg vekt på landskapsøkologi ut i frå at den ligg i eit svært verdfullt område med mange liknande lokalitetar. Ut frå dette oppnår lokaliteten verdien; Viktig – B, med moglegheit for auke av verdien om skjøtselen vert oppretthalden. Verdien er likevel noko svak grunna spora etter gjødsling, men vil auke med riktig skjøtsel.



Figur 6. Lokaliteten strekkjer seg mellom almetrea i biletet. (Foto: Bioreg as ©).

Lok nr. 4. Vesterås; Gardskroken, Almene og Trekanten. Verdi: Viktig - B.

Stranda kommune i Møre og Romsdal

Naturbase-nummer: NY

UTM EUREF89 32V N 6886633 A 407107

Areal: 1,3 daa

Naturtyperegistreringar:

Naturtype: Slåttemark 100 %.

Utforming: Fattig slåtteeng (70 %) og fattig slåttetørreng (30 %).

Vernestatus: Lokaliteten ligg innanfor Geiranger og Herdalen Landskapsvernområde

Feltsjekk: 08.07.15 av Solfrid Helene Lien Langmo.

Avgrensingspresisjon: < 5 meter. Målemetode: Avgrensa etter flyfoto og bruk av GPS.

Innleiing: Lokalitetsskildringa er utarbeidd av Solfrid Helene Lien Langmo, Bioreg AS, basert på eige feltarbeid 08.07.2015 i samband med kartlegging av utvalde naturtypar på oppdrag for Fylkesmannen i Møre og Romsdal. Lokaliteten er ikkje tidlegare undersøkt, men vart meldt inn som potensiell slåttemark av Maud Grøtta i Landbruk Nordvest, i samband med utarbeiding av skjøtselsplaner på fleire nærliggjande lokalitetar på Vesterås. Grunneigarane på Vesterås, Oddvin og Arnfinn Westerås var begge med på undersøkingane. Lokaliteten ligg innanfor Geiranger og Herdalen landskapsvernområde. Grunnen til det lange namnet på lokaliteten, er at den strekkjer seg over fleire teigar. At det finst to teigar på Vesterås som heiter Trekanten, skuldast at desse tilhøyrer to ulike bruk.

Lokalisering og naturgrunnlag: Lokaliteten ligg litt ovanfor vegen som går til Vesterås, og består av ei lita eng for det meste avgrensa av meir gjødsla og jordarbeide areal og vegar. Delvis er enga grunnlendt, og stadvis finst også ein del store steinar og berg i dagen. Innimellom finst areal med djupare jord. Berggrunnen består av gneis (ikkje inndelt). Lausmassane består for det meste av tynne morenemassar. Området ligg i sørboreal (SB) vegetasjonssone, og på grensa mellom svakt oseanisk vegetasjonsseksjon (O1), og overgangsseksjon mellom oseaniske og kontinentale vegetasjonsseksjonar (OC).

Naturtypar, utformingar og vegetasjonstypar: Lokaliteten er avgrensa som naturtypen slåttemark av utforminga fattig slåtteeng (70 %) og fattig slåttetørreng (30 %). Det meste av lokaliteten er likevel å rekne som intermediær slåtteeng og særleg gjeld dette dei grunnlendte partia. Etter NiN er lokaliteten å rekne som seminaturleg eng (T 32). Naturtypen kulturmarkseng der slåttemark er inkludert er vurdert som Sårbar - VU i Norsk raudliste for naturtypar frå 2011, medan slåtteeng i seg sjølv er vurdert som sterkt truga - EN. Dette er også ein utvalt naturtype etter naturmangfaldlova

Artsmangfald: Rundt lokaliteten finst for det aller meste meir oppgjødsla enger dominert av mellom anna hundegras. Innanfor lokaliteten dominerer artar som engvein, gulaks, raudknapp og rylik. Elles finst mellom anna blåklokke, blåkoll, engsmelle, firkantperikum, harestorr, kvann, kvitbladtistel, kvitmaure, småengkall, stormaure og tepperot. I området med djupare jord finst i tillegg noko englodnegras, engreverumpe, hundegras og hundekjeks. I turrare parti veks også bitterbergknapp, fjellmarikåpe, gulmaure, lintorskemunn, markjordbær, småsmelle, tiriltunge, vill-lauk og åkerstemor. Mosedekket er godt der graset ikkje er for tjukt. Ein reknar elles med at det er et visst potensiale for beitemarksopp her. Langs den vestre kanten av lokaliteten står fleire almetre (VU). I alle fall eitt av desse ber preg av hausting sjølv om denne form for skjøtsel ligg noko lenger attende i tid.

Bruk, tilstand og påverknad: Lokaliteten er i dag skjøtta ved slått, og gamle flyfoto frå området viser at lokaliteten også tidlegare har vore nytta på denne måten. Også artssamansetninga og strukturen i marka vitnar om slåtteskjøtsel over lang tid. I og med at denne lokaliteten er noko meir grunnlendt enn ein del av dei omkringliggjande areala, er meir av det opphavlege arts Mangfaldet til stades. Dette grunna det noko skrinnare jordsmonnet, samt at desse områda i mindre grad har vore jordarbeidd og tilsådd enn dei partia som har djupare jordsmonn. Det er likevel svake spor etter gjødsling innanfor mykje av lokaliteten. Truleg har også noko av den vore jordarbeidd, men dette ligg lenger attende i tid. Delar av lokaliteten har slik noko preg av å vere gammaleng, men er inkludert av arronderings-messige årsakar.

Framande artar: Gran

Del av heilskapleg landskap: Lokaliteten utgjer ein del av det godt bevarte og svært verdfulle kulturlandskapet på Vesterås og Hole. Mange av engene her er framleis skjøtta med slått i tillegg til beite. Ein del av engene er pløygd, og mykje av arealet har meir eller mindre spor etter gjødsling. Innimellom finst godt bevarte tørrenger saman med kulturelement som rydningsrøyser, steingardar, bakkemurar og styvingstre. Mange av dei tilsvaranande kulturlandskapa i området er meir eller mindre attgrodde. Eksempel på slike er områda rundt Møll/Grande og hyllegardane utover i fjorden.


Skjøtsel og omsyn: Sein slått og bakketurking av avlinga er tilstrekkeleg for å ta vare på det biologiske mangfaldet innanfor lokaliteten. Lokaliteten må ikkje pløyast, grøftast, sprøytast eller gjødslast. Grunna spora etter gjødsling, er det veldig viktig at arealet vert slått kvart år. Ein kan også vurdere oppattaking/ oppstart av styving av almetrea innanfor lokaliteten. Dette vil både vere fint supplement til kulturlandskapet på Vesterås, og det vil bidra til å redusere skuggeverknadane av trea på slåtteenga under. I tillegg vil det etter kvart utvikla seg grov

sprekkebark på trea, noko vi veit vil verta eit viktig substrat for ulike knappenåslav og ulike andre lavartar. Også mange artar frå andre artsgrupper, til dømes insekt og sopp, er knytt til slike støyningstre.

Verdivurdering: Ut frå faktaark for slåttemark frå juni 2015 oppnår lokaliteten høg vekt for areal (om lag 1,3 daa), låg vekt for typevariasjon, raudlistearter og artsmangfald. Den oppnår elles høg vekt på påverknad og tilstand ut ifrå bruken av arealet. Den oppnår også høg vekt på landskapsøkologi ut i frå at den ligg i eit svært verdfullt område med mange liknande lokalitetar. Ut frå dette oppnår lokaliteten verdien; Viktig – B, med moglegheit for auke av verdien om skjøtselen vert oppretthalden. Verdien er likevel noko svak grunna spora etter gjødsling, men vil auke med riktig skjøtsel.



Figur 7. Det meste av mangfaldet innanfor lokaliteten er knytt til dei turraste partia. (Foto: Bioreg AS ©).



Figur 8. Kartet viser alle dei fire registrerte lokalitetane på Vesterås i dette prosjektet merka med grønt, og alle tidlegare registrerte lokalitetar i området merka med svak grøn skravur. Dei fleste av desse er slåttemarker. I tillegg er eigedomsgrensene og gards- og bruksnummer merka med raudt. Som ein ser er det fleire av dei registrerte lokalitetane som er eid av fleire bruk. Kartet er utarbeidd i QGis med ortofoto frå Norge Digitalt.

Lok nr. 5. Severinbrauta. Verdi: Viktig - B.

Norddal kommune i Møre og Romsdal

Naturbase-nummer: NY

UTM EUREF89 32V N 6886633 A 407107

Areal: 1,3 daa

Naturtyperegistreringar:

Naturtype: Slåttemark 100 %.

Utforming: Fattig slåtteeng (100 %)

Vernestatus: Lokaliteten ligg innanfor Geiranger og Herdalen Landskapsvernområde

Feltsjekk: 07.07.15 av Solfrid Helene Lien Langmo.

Avgrensingspresisjon: < 5 meter. Målemetode: Avgrensa etter flyfoto og bruk av GPS.

Innleiing: Lokalitetsskildringa er utarbeidd av Solfrid Helene Lien Langmo, Bioreg AS, basert på eige feltarbeid 07.07.2015 i samband med kartlegging av utvalde naturtypar på oppdrag for Fylkesmannen i Møre og Romsdal. Lokaliteten er ikkje tidlegare undersøkt, men vart meldt inn som potensiell slåttemark av Stiftinga Severinbrauta (oppsett i 1998) som no forvaltar plassen for Norddal kommune. Lokaliteten er tidlegare undersøkt av John Bjarne Jordal i samband med Supplerande kartlegging av naturtypar i kulturlandskapet i Norddal og Stranda (2009-2010). Den gongen vart ikkje lokaliteten registrert grunna at den verka å vere for oppgjødsla (Jordal, 2011). Ved undersøkingane i 2015 vart det klart at delar av engene no er å rekne som slåttemark. Lokaliteten ligg innanfor Geiranger og Herdalen landskapsvernområde, og plassen vart i 2013 freda av Riksantikvaren.

Lokalisering og naturgrunnlag: Lokaliteten ligg i Eidsdal i Norddal kommune, litt sør for garden Veiberg, og var etablert som husmannsplass under denne garden i 1870-åra. Den består av fleire bakkemurar nedover den bratte vestvende lia. Det er dei øvste terrassane som er inkludert i lokaliteten. Delvis er enga her noko meir grunnlendt enn lenger nede. Berggrunnen består i følgje berggrunnskartet av diorittisk til granittisk gneis, migmatitt. Lausmassane i området består for det meste av tjukke morenemassar og elveavsetningar. Området ligg i sør boreal (SB) vegetasjonssone, og på grensa mellom svakt oseanisk (O1) og klart oseanisk vegetasjonsseksjon (O2).

Naturtypar, utformingar og vegetasjonstypar: Lokaliteten er avgrensa som naturtypen slåttemark av utforminga fattig slåtteeng (100 %). Det kan også finnast fragment av tørreng nær kantane av bakkemurane innanfor lokaliteten. Etter NiN er lokaliteten å rekne som seminaturleg eng (T 32). Naturtypen kulturmarkseng der slåttemark er inkludert er vurdert som Sårbar - VU i Norsk raudliste for naturtypar frå 2011, medan slåtteeng i seg sjølv er vurdert som sterkt truga - EN. Dette er også ein utvalt naturtype etter naturmangfaldlova.

Artsmangfald: Innanfor lokalitetten dominerer artar som gulaks og sølvbunke, men på enkelte mindre område finst også ein del hundreas og litt engreverumpe. Elles kan ein nemna mellom anna bakkefrytle, bakkesoleie, bleikstarr, blåbær, blåklokke, blåkoll, bringebær, fjellmarikåpe, fuglevikke, gjerdevikke, hårvæve, jonsokkoll, kvitbladtistel, lækjeveronika, myrtistel, prestekrage, raudkløver, raudknapp, raudsvingel, rylik, skarmarikåpe, og tviskjeggveronika. På taket av huset veks mykje kveke.

I Artskart har John Bjarne Jordal i tillegg registrert mellom anna bakkerapp og fjellgulaks i Severinbrauta.

Bruk, tilstand og påverknad: Lokaliteten er i dag skjøtta ved slått, også det vi kjenner til av historikken viser at lokaliteten har vore nytta på denne måten sidan den vart etablert kring 1860, og kanskje også før den tid. Husdyra beita oppe i skogen ovanfor husa, medan resten av arealet var slåttemark. Bruket fødde 1-2 kyr og 2-3 lamsauer. Plassen hadde aldri hest. Den siste som dreiv Severinbrauta var Nelly Veiberg, ei dotter-dotter til ekteparet som tok opp plassen. Nelly var født i 1915 og døyde i 1995. Plassdrifta tok vel slutt kring 1990. Før den tid held Nelly det gåande med ei slags drift ved god hjelp av naboane. I åra etterpå var det beita noko på slåtteengene her, men sidan ca 1999 har det vore slått her igjen.

Mykje av engene som hører til Severinbrauta ber tydeleg preg av gjødsling, og er som nemnd vurdert som restaureringsareal snarare enn slåttemark. Ein registrerte likevel eit område oppe ved husa der det let til at arts mangfaldet var meir intakt, og ein vurderte det slik at denne delen støttar krava til slåttemark. Også her finst spor etter gjødsling, men i noko mindre grad enn lenger ned i lia. Dei områda som har meir gjødselpreg her, er inkludert av arronderingsmessige årsakar. Her er også engartane meir spreidd utover engene i staden for å berre vere knytte til kantonene slik dei i større grad er lenger nede.

Framande artar: Vårpengeurt, gran, løytnantshjarte, akeleie, ungarnsyrin, reinfann, storhjelm, storkonvall, hagerips, stikkelsbær og hagelupin. Oppe ved husa er det også planta ein del frukttre. Desse er inngjerda. I kantane av lokaliteten er det planta fleire gruner.

Del av heilskapleg landskap: Lokaliteten utgjer ein del av eit godt bevart kulturlandskap i Eidsdalen. Sjølv om mykje av jorda i dag er nytta til konvensjonell drift, finst framleis også flere verdfulle kulturmarkslokalitetar, mellom anna ein større lokalitet med hagemark like sør for Severinbrauta, den einaste attverande einerhagen i Eidsdalen, ein naturtype som før var veldig vanleg her. Også nord for Severinbrauta ligg område med beitemarker og hagemarkar, slik at det er naturleg å sjå lokaliteten i ein større samanheng.

Skjøtsel og omsyn: Sein slått og bakketurking av avlinga er naudsnyt for å ta vare på det biologiske mangfaldet innanfor lokaliteten. Dette gjerne kombinert med at ein fjernar hundegraset rett etter slåtten. Lokaliteten må ikkje

pløyast, grøftast, sprøytast eller gjødslast. Grunna spora etter gjødsling, er det veldig viktig at arealet vert slått kvart år. Det er ein fordel med haustbeite av heile arealet i Severinbrauta.

Verdivurdering: Ut frå faktaark for slåttemark frå juni 2015 oppnår lokaliteten høg vekt for areal (om lag 1,3 daa), låg vekt for typevariasjon, raudlistearter og arts mangfald. Her er også potensialet for sjeldne og raudlista artar av beitemarksopp inkludert. Den oppnår elles høg vekt på påverknad og middels til høg vekt på tilstand. Den oppnår høg vekt for landskapsøkologi i og med at den ligg nær andre kulturmarkslokalitetar, samt at den inneholder mange verdfulle kulturelement som bakkemurar og rydningsrøyser. Ut frå dette oppnår lokaliteten verdien; Viktig – B, med moglegheit for auke av verdien om skjøtselen vert oppretthalden. Verdien er likevel svak grunna spora etter gjødsling, men vil auke med riktig skjøtsel. Ved restaurering av resten av Severinbrauta, vil også arealet med verdfull slåttemark auke med tida.



Figur 9. Lokaliteten består av den øvste av terrassane i Severinbrauta, saman med eit lite areal ovanfor husa. (Foto: Bioreg AS ©)



Figur 10. Like ovanfor husa finst eit lite område med mellom anna prestekragar, jonsokkoll og gulaks.
(Foto: Bioreg AS ©)



Figur 11. Kartet viser lokaliteten merka med raud avgrensing og eigedomsgrensene for Severinbrauta med grøn strek. Resten av arealet sør for steinmuren mot hagemarka i nord, er å rekne som restaureringsareal.

Lok nr. 6. Muriås; Storåkeren. Verdi: Viktig - B.

Norddal kommune i Møre og Romsdal

Naturbase-nummer: NY

UTM EUREF89 32V N 6901599 A 404066

Areal: 2,7 daa

Naturtyperegistreringar:

Naturtype: Slåttemark 100 %.

Utforming: Fattig slåtteeng (100 %)

Vernestatus: Lokaliteten ligg innanfor Geiranger og Herdalen Landskapsvernområde

Feltsjekk: 10.07.15 av Solfrid Helene Lien Langmo.

Avgrensingspresisjon: < 5 meter. Målemetode: Avgrensa etter flyfoto og bruk av GPS.

Innleiing: Lokalitetsskildringa er utarbeidd av Solfrid Helene Lien Langmo, Bioreg AS, basert på eige feltarbeid 10.07.2015 i samband med kartlegging av utvalde naturtypar på oppdrag for Fylkesmannen i Møre og Romsdal. Lokaliteten er ikkje tidlegare undersøkt, men vart meldt inn som potensiell slåttemark av grunneigaren. Den er svært lik tilsvarende lokalitetar i nærliken som i løpet av dei seinare åra er registrert som slåttemark, og har fått utarbeidd skjøtselsplan.

Lokalisering og naturgrunnlag: Lokaliteten ligg på Muriås vest for Valldal i Norddal kommune. Den består av ei slak sør austvend frisk slåtteeng avgrensa av vegar og skog på alle kantar. Berggrunnen består i følgje berggrunnskartet av diorittisk til granittisk gneis, migmatitt og lausmassane av morenemassar. Området ligg i sørboREAL (SB) vegetasjonssone, og på grensa mellom svakt oseansk (O1) og klart oseansk vegetasjonsseksjon (O2).

Naturtypar, utformingar og vegetasjonstypar: Lokaliteten er avgrensa som naturtypen slåttemark av utforminga fattig slåtteeng (100 %). Elles finst det mindre område med tørreng knytt til nokre meir grunnlendte parti innanfor lokaliteten. Etter NiN er lokaliteten å rekne som seminaturleg eng (T 32). Naturtypen kulturmarseng der slåttemark er inkludert er vurdert som; Sårbar - VU i Norsk raudliste for naturtypar frå 2011, medan slåtteeng i seg sjølv er vurdert som sterkt truga - EN. Dette er også ein utvalt naturtype etter naturmangfaldlova.

Artsmangfald: Innanfor lokaliteten dominerer artar som blåklokke, engkvein og gulaks. Stadvis finst også mykje firkantperikum, ryllik og tviskjeggveronika. Elles kan ein nemne artar som bakkefrytle, grov nattfiol, prestekrage, raudkløver, raudsvingel, skogstorkenebb, sølvbunke, tepperot og tiriltunge. Einskilde parti, særleg langs kantane og i den nedste delen av lokaliteten, har også ein del engrapp, hundegras, hundekjeks (berre nær kantane), nesler, skogburkne, skogsvinerot og vendelrot. Stadvis, og særleg i dei noko skrinnare partia, reknar ein med at det er eit visst potensiale for raudlista artar av beitemarksopp.

Bruk, tilstand og påverknad: I det seinare har lokaliteten vore skjøtta med slått. Den nedste delen av enga ber preg av noko gjødsling, noko som i stor grad skuldast at graset frå enga har vore raka ned hit og vorte liggjande her (Ronny Torgersen pers. meld.). I og med at det spreidd finst artar som engreverumpe og hundegras kan det også delvis ha vore tilsådd, men dette ligg truleg langt tilbake. Artsmangfaldet er likevel jamt spreidd utover enga, og slåttemarksstrukturen er tydeleg. I løpet av dei siste par åra er det rydda ein del skog rundt lokaliteten, og dette er i følgje Ronny Torgersen (pers.meld.) også gjort i vinter. I vinter er mellom anna mykje av platanlønna fjerna.

Framande artar: Platanlønn og nokre frukttrær finst i kantane.

Del av heilskapleg landskap: Lokaliteten utgjer ein del av eit godt bevart kulturlandskap på Lingås/Muriås. Sjølv om mykje av jorda i dag er nytta til konvensjonell drift, finst framleis også fleire verdfulle kulturmarkslokalitetar nær det registrerte området, og som nemnt har fleire av desse fått utarbeidd skjøtselsplan dei seinare åra.

Skjøtsel og omsyn: Sein slått og bakketurking av avlinga er naudsynt for å ta vare på det biologiske mangfaldet innanfor lokalitetten. Dette gjerne kombinert med at ein fjernar hundegraset rett etter slåtten. Det er også viktig å hindre hundekjeks i å spreie seg. Lokaliteten må ikkje pløyast, grøftast, sprøytast eller gjødslast. Grunna spora etter gjødsling, er det veldig viktig at arealet vert slått og avlinga fjerna kvart år.

Verdivurdering: Ut frå faktaark for slåttemark frå juni 2015 oppnår lokaliteten høg vekt for areal (om lag 2,7 daa), låg vekt for typevariasjon, raudlistarter og låg til middels vekt for arts Mangfald. Her er også potensialet for sjeldne og raudlista artar av beitemarksopp vurdert og inkludert. Den oppnår elles høg vekt på påverknad og middels til høg vekt på tilstand ut frå bruken av arealet. Den oppnår høg vekt for landskapsøkologi i og med at den ligg nær andre kulturmarkslokalitetar. Ut frå dette oppnår lokaliteten verdien; Viktig – B, med moglegheit for auke av verdien om skjøtselen vert oppretthalden. Verdien er likevel svak grunna spora etter gjødsling, men vil auke med riktig skjøtsel.



Figur 12. Øvre delar av lokaliteten sett frå vest mot aust. (Foto: Bioreg AS ©).



Figur 13. Lokaliteten er merka med raudt, og andre lokalitetar med slåttemark i nærleiken er merka med grønt.

NORDMØRE

Lok nr. 7. Bergset. Verdi: Viktig - B.

Sunndal kommune i Møre og Romsdal

Naturbase-nummer: NY

UTM EUREF89 32V N 6931569 A 498846

Areal: 0,5 daa

Naturtyperegistreringar:

Naturtype: Slåttemark 100 %.

Utforming: Fattig slåtteeng (100 %)

Vernestatus: Ingen

Feltsjekk: 12.07.15 av Solfrid Helene Lien Langmo.

Avgrensingspresisjon: < 5 meter. Målemetode: Avgrensa etter flyfoto og bruk av GPS.

Innleining: Lokalitetsskildringa er utarbeidd av Solfrid Helene Lien Langmo, Bioreg AS, basert på eige feltarbeid 12.07.2015 i samband med kartlegging av utvalde naturtypar på oppdrag for Fylkesmannen i Møre og Romsdal. Lokaliteten er ikkje tidlegare undersøkt av fagfolk, men vart meldt inn som potensiell slåttemark av grunneigar- ren. Det er registrert mange viktige kulturmarkslokaltetar i nærområda.

Lokalisering og naturgrunnlag: Lokaliteten er stort sett identisk med eit hyttetun i Hafsåsen ved inngangen til Grøvu- og Geitådalen sørøst i Sunndal kommune. Den består av ei lita eng mellom husa på eit tidlegare små- bruk som no er nyttå som fritidsbustad. Lokaliteten er avgrensa av hus og meir oppgjødsblaenger. Berggrunnen består i fylgje berggrunnskartet av augnegneis, granitt, foliert granitt, men tett inntil ligg også rikare berggrunn som sandstein og glimmerskifer. Lausmassane består av breelvavsetningar. Området ligg i mellomboreal (MB) vegetasjonssone, og i svakt oseanisk (O1) vegetasjonsseksjon.

Naturtypar, utformingar og vegetasjonstypar: Lokaliteten er avgrensa som naturtypen slåttemark av utformingen fattig slåtteeng (100 %) sjølv om engene nok for det meste er intermediære og på grensa til baserike. Elles finst det stadvis fragment av noko som ligg tett opp til fukteng, for det meste grunna skuggeverknadane av skogen rundt lokaliteten. Etter NiN er lokaliteten å rekne som seminaturleg eng (T 32). Naturtypen kulturmark- seng der slåttemark er inkludert er vurdert som; Sårbar - VU i Norsk raudliste for naturtypar frå 2011, medan slåtteeng i seg sjølv er vurdert som; Sterkt truga - EN. Dette er også ein utvalt naturtype etter naturmangfaldlova.

Artsmangfald: Innanfor lokaliteten finst ein god del bakkesoleie og engsyre. Desse er likevel ikkje dominande. Det finst også ein god del skogstorkenebb innanfor det meste av lokaliteten, men denne er for det meste små- vaksen grunna slåtten. Elles finst mellom anna marinøkkel spreidd på det meste av lokaliteten, inkludert nokre få individ av fjellmarinøkkel. Ut over dette vart det registrert artar som; bakkefrytle, blåklokke, engkvein, firkant- perikum, fjellmarikåpe, flekkmure, glattmarikåpe, gulaks, harerug, hårsvæve, kvitmaure, prestekrage, svæver sp, raudknapp, raudsvingel, skogmarihand, småengkall og tilrlunge. Aust for husa finst enkelte bjørkerenningar. Ein vurderer lokaliteten å ha brukbart potensiale for sjeldne og raudlista artar av beitemarksopp.

Bruk, tilstand og påverknad: Lokaliteten er skjøtta ved meir eller mindre intensiv slått. Areala mellom husa er skjøtta med plenslått, medan arealet i aust ber preg av færre slåttar per år. Her ligg det til gjengjeld ein del daudt gras, og verdien av dette arealet er noko lågare. Det er likevel inkludert i lokaliteten då ein reknar restaurerings- potensialet her som svært godt. Også i dei arealet som er slått oftaast, fann ein marinøkkel, truleg av di at det meste av graset vert fjerna rett etter slått. Ein reknar difor lokaliteten som slåttemark, sjølv om slåtteskjøtsel med plenklippar på ingen måte er optimalt. Ovafor husa har det dei seinare åra vore rydda ein del skog, noko også marka ber preg av. Også inne i skogen utafor lokaliteten finst mellom anna ein del gulaks. Heile tomta er gjerdar inne med ein flott skigard.

Framande artar: Rabarbra som ser ut til å spreie seg aust for husa. I tillegg fanst litt hagelupin.

Del av heilskapleg landskap: Lokaliteten utgjer ein del av eit godt bevart kulturlandskap i Hafsåsen. Sjølv om mykje av jorda i dag er nyttå til konvensjonell drift på hovudbruket, så finst framleis også fleire verdfulle kulturmarkslokaltetar nær det registrerte området, og fleire av desse har fått utarbeidd skjøtselsplan dei seinare åra. Like nord og vest for lokaliteten er det registrert eit større område med beiteskog.

Skjøtsel og omsyn: Sein slått og bakketurking av avlinga er naudsint for å ta vare på det biologiske mangfaldet innanfor lokaliteten. Det er også viktig å hindre rabarbra og lupinar i å spreie seg. Lokaliteten må ikkje pløyast, grøftast, sprøytast eller gjødslast. Ein bør også unngå ytterlegare inngrep i samband med hyttene. Om det er mogleg å få til, kan ein vurdere haustbeite her.

Verdivurdering: Ut frå faktaark for slåttemark frå juni 2015 oppnår lokaliteten middels vekt for areal (litt over 0,5 daa), låg vekt for typevariasjon, raudlistearter og middels vekt for artsmanfald. Her er også potensialet for sjeldne og raudlista artar av beitemarksopp vurdert og inkludert. Den oppnår elles middels vekt på påverknad ut frå at bruken er noko for intensiv, og middels til høg vekt på tilstand. For landskapskologi oppnår den høg vekt i og med at den ligg nær andre kulturmarkslokaltetar. Ut frå dette oppnår lokaliteten verdien; Viktig – B, med moglegheit for auke av verdien om skjøtselen vert oppretthalden eller forbetra.



Figur 14. Her ser ein delar av arealet mellom husa. Det ser ut til at det er bakkesoleie som dominerer, men ser ein betre etter finn ein både marinøkkel, raudknapp, kvitmaure, blåklokke og harerug her. (Foto: Bioreg AS ©).



Figur 15. Også aust for husa finst eit mindre område med slåttemark sjølv om kvaliteten på dette er noko dårligare. Også her finst prestekrage og gulaks. (Foto: Bioreg AS ©).



Figur 16. Lokaliteten er merka med raud avgrensing. Den store lokaliteten i vest er ein liten del av den nemnde beiteskogen.

Lok nr. 8. Lykkjeliin. Verdi: Viktig – B.

Sunndal kommune i Møre og Romsdal

Naturbase-nummer: NY

UTM EUREF89 32V N 6931126 A 502944

Areal: 6,1 daa

Naturtyperegistreringar:

Naturtype: Slåttemark 100 %.

Utforming: Rik slåttetørreng (100 %)

Vernestatus: Ingen

Feltsjekk: 12.07.15 av Solfrid Helene Lien Langmo.

Avgrensingspresisjon: < 5 meter. Målemetode: Avgrensa etter flyfoto og bruk av GPS.

Innleiing: Lokalitetsskildringa er utarbeidd av Solfrid Helene Lien Langmo, Bioreg AS, basert på eige feltarbeid 12.07.2015 i samband med kartlegging av utvalde naturtypar på oppdrag for Fylkesmannen i Møre og Romsdal. Lokaliteten er ikkje tidlegare undersøkt av fagfolk, men vart meldt inn som potensiell slåttemark av grunneigar- ren. Det er registrert mange viktige kulturmarkslokaltetar i nærområda.

Lokalisering og naturgrunnlag: Lokaliteten ligg nedanfor Fjellgardan i Sunndal kommune. I sør grensar lokaliteten til elva Grødøla og Svøfafallet. Elles er den avgrensa av kulturmark på alle kantar, både meir oppgjødsla eng og i vest av ei anna slåttemark (Nestuliin). Berggrunnen består i fylgje berggrunnskartet av metasandstein, glimmerskifer, amfibolitt, hornblendegneis og glimbergneis, stadvis migmatittisk. Lausmassane består av breel- lavsetningar. Området ligg i mellomboreal (MB) vegetasjonssone, og i svakt oseansk (O1) vegetasjonsseksjon.

Naturtypar, utformingar og vegetasjonstypar: Lokaliteten er avgrensa som naturtypen slåttemark av utformingen rik slåttetørreng (100 %). For det meste er enga veldrenert, og i tillegg finst ein del svært grunnlendte parti og nokre små bergknauvar. Etter NiN er lokaliteten å rekne som seminaturleg eng (T 32). Naturtypen kul- turmarkseng der slåttemark er inkludert er vurdert som Sårbar - VU i Norsk raudliste for naturtypar frå 2011, medan slåtteeng i seg sjølv er vurdert som sterkt truga - EN. Dette er også ein utvalt naturtype etter na- turmangfaldlova.

Artsmangfald: Innanfor lokaliteten dominerer dunhavre i store parti. Ut over dette dominerer artar som eng- kvein, gjeldkarve, kvitmaure, lintorskemunn og raudknapp. Elles finst mellom anna blåklokke, flekmure, gul- aks, harerug, marinøkkel (nokre få spreidde individ), markjordbær, raudkløver, raudsvingel, rundskolm, smal- kjempe, småengkall, tepperot og tviskjeggveronika. På bergknauane finst mellom anna augnetrøyst sp, blårapp, hårvæve, småbergknapp, småsmelle, småsyre, sòlvture, tiriltunge, vill-lin og åkerstemor. I tillegg finst enkelte område meir prega av attgroing, med parti dominert av artar som gulskolm, hundegras, og stadvis noko bringebær og reinfann, men også her dunhavre.

I nedste delen av lokaliteten finst nokre osperenningar. Ein del av det nemnde arts Mangfaldet held i sør fram også utanfor lokaliteten, i skråninga ned mot Grødøla.

Potensialet for sjeldne og raudlista artar av beitemarksopp er vurdert som godt innanfor det meste av lokaliteten, og særleg i dei partia der hundegraset manglar.

Jordal (2004) skildrar i tillegg funn av mellom anna berggull og sandarve.

Bruk, tilstand og påverknad: For det meste er arts Mangfaldet innanfor lokaliteten jamt fordelt, og enga er dominert av naturlege ikkje innsådde artar. Lokaliteten er ikkje slått på ei stund, og ber preg av dette. Spesielt gjeld dette dei partia der hundegraset er mest dominante. Området er framleis truleg sporadisk beita av sauvar, og Jordal (2004) omtalar at det beita sau her i 1999. Det finst spor etter eldre plogfurer her, samt svake spor etter gjødsling. Spora etter pløyning er tydlegast i øvre delen. Truleg kjem gjødselverknaden innanfor lokaliteten meir av attgroing og opphør av skjøtsel, enn av at det faktisk har vore gjødsla. I nord er lokaliteten delvis avgrensa av ein steingard. Ei høgspente kryssar enga frå vest mot aust. Også areal i nordaust utanfor lokaliteten, som i dag er meir dominert av bringebær og hundegras, er å rekne som restaureringsareal om skjøtselen vert sett i gang innanfor lokaliteten.

Framande artar: Vårpungeurt

Del av heilskapleg landskap: Lokaliteten utgjer ein del av eit godt bevart kulturlandskap rundt Fjellgardan. Her er mange verdfulle lokalitetar med kulturmark, samt fleire godt bevarte gardstun. Heile landskapet framstår som svært verdfullt.

Skjøtsel og omsyn: Sein slått og bakketurking av avlinga, gjerne i kombinasjon med fjerning av hundegraset rett etter slått, er tilrådeleg for å ta vare på det biologiske mangfaldet innanfor lokaliteten. Det er også viktig å hindre osp i å spreie seg. Lokaliteten må ikkje pløyast, grøftast, sprøytast eller gjødslast. Om det er mogleg å få til, kan ein vurdere haustbeite her.

Verdivurdering: Ut frå faktaark for slåttemark frå juni 2015 oppnår lokaliteten høg vekt for areal (om lag 6,1 daa), låg vekt for typevariasjon og raudlistearter og middels til høg vekt for arts Mangfald. Her er også potensialet for sjeldne og raudlista artar av beitemarksopp inkludert. Den oppnår elles middels vekt på påverknad ut frå at hevden let til å vere opphøyd for nokre år sidan, og middels til låg vekt på tilstand. Den oppnår høg vekt for

landskapsøkologi i og med at den ligg nær andre kulturmarkslokalitetar. Ut frå dette oppnår lokaliteten verdien; Viktig – B. Verdien er svak, og ein er avhengig av skjøtselen vert teke opp att, om verdien skal oppretthaldast.



Figur 17. Lokaliteten sett frå vest mot aust. Det dominante graset i enga er dunghavre. (Foto: Bioreg AS ©).



Figur 18. Lokaliteten er merka med raudt. I vest ser ein også den avgrensa lokaliteten Nestuliin.

Lok nr. 9. Tjønnberget. Verdi: Viktig - B.

Surnadal kommune i Møre og Romsdal

Naturbase-nummer: NY

UTM EUREF89 32V N 6986680 A 475662

Areal: 2,5 daa

Naturtyperegistreringar:

Naturtype: Slåttemark (100 %).

Utfoming: Fattig slåtteeng (50 %), fattig slåttefukteng (50 %).

Vernestatus: Ingen

Feltsjekk: 11.07.15 av Solfrid Helene Lien Langmo.

Avgrensingspresisjon: < 5 meter. Målemetode: Avgrensa etter flyfoto og bruk av GPS.

Innleiing: Lokalitetsskildringa er utarbeidd av Solfrid Helene Lien Langmo, Bioreg AS, basert på eige feltarbeid 11.07.2015 i samband med kartlegging av utvalde naturtypar på oppdrag for Fylkesmannen i Møre og Romsdal. Lokaliteten er ikkje tidlegare undersøkt utanom av grunneigaren (som elles sjølv er botanikar/biolog), men vart meldt inn som potensiell slåttemark av grunneigaren.

Lokalisering og naturgrunnlag: Lokaliteten består av engene rundt småbruket Tjønnberget på nordsida av Hamnesfjorden i Surnadal kommune. Lokaliteten er avgrensa av husa i aust, og elles for det meste av furuskog. Berggrunnen består i fylgle berggrunnskartet av diorittisk til granittisk gneis, migmatitt og lausmassane av tynne morenemassar. Området ligg i boreonemoral vegetasjonssone, og i klart oseanisk (O2) vegetasjonsseksjon.

Naturtypar, utfomingar og vegetasjonstypar: Lokaliteten er avgrensa som naturtypen slåttemark (100 %) av utfomingane fattig slåtteeng (50 %) og fattig slåttefukteng (50 %). For det meste er enga i aust frisk til godt drenert, men den i vest er noko fuktigare, noko som både kan ha samanheng med sigevatn frå terrenget, og med skuggeverknadane av skogen. Den er elles avgrensa av skog på alle kantar. Etter NiN er lokaliteten å rekne som seminaturleg eng (T 32). Naturtypen kulturmarkseng der slåttemark er inkludert er vurdert som Sårbar - VU i Norsk raudliste for naturtypar frå 2011, medan slåtteeng i seg sjølv er vurdert som sterkt truga - EN. Dette er også ein utvært naturtype etter naturmangfaldlova.

Artsmangfold: Innanfor lokaliteten dominerer artar som bakkefrytle, engkvein, gulaks, småengkall og stadvis også mykje grov nattfiol (grunneigar fortalte at ho rekna 150 individ, og da stoppa ho å telje). Elles finst artar som blåklokke, blåknapp, fuglevikke, gjerdevikke, prestekrage, raudkløver, raudsvingel, smalkjempe, svevertar og tepperot. I fuktigare parti finst ein del flekkmarihand, hanekam, harestorr og knappsiv, og i vest også ein del myrtistel og myrfiol. Ut mot kantane aukar innslaget av gjengroingsartar som firkantperikum, ryllik og tviskjeggveronika. Her finst også stadvis mykje einstape. Elles finst enkelte bjørkerenningar. Særleg i aust er potensialet for sjeldne og raudlista artar av beitemarksopp vurdert som brukbart.

Bruk, tilstand og påverknad: Lokaliteten er skjøtta ved slått, og i fylgle grunneigar Bolette Bele gjeng denne føre seg etter 20. juli. Eit lite område nedanfor husa har i fylgle Bele vore nytta til potetåker, men også dette området er inkludert i lokaliteten då restaureringspotensialet også her er godt. Lokaliteten ber tydeleg preg av årleg slått, men med ei viss attgroing frå kantane grunna store bestandar av einstape i vest. Her er også skuggeverknadane av skogen svært tydelege, då grasdekket er svært tynt, og ein del fuktrevjande artar opptrer i større mengder her enn elles i lokaliteten. Enkelte parti av lokaliteten, særleg nedanfor huset og fjøset, ber preg av tidlegare gjødsling og avrenning frå fjøset.

Framande artar: Fruktter, villplommer, kirsebær, nysseryllik, syrin og rosebuskar nær husa. Gamle flyfoto viser at det tidlegare har stått fleire fruktter aust for husa.

Del av heilskapleg landskap: Lokaliteten utgjer ein del av eit lite kulturlandskap nord for Hamnesfjorden. Det meste av dette er ikkje i drift i dag, slik at lokaliteten framstår som noko isolert. Ein må likevel rekne med at det finst kantsoner og vegkantar her som framleis innehavar eit mangfald av engartar.

Skjøtsel og omsyn: Sein slått slik som i dag, og bakketurking av avlinga er naudsynt for å ta vare på det biologiske mangfaldet innanfor lokaliteten. Det er også viktig å hindre syrinar, rosekratt, myrtistel og einstape i å spreie seg. Lokaliteten må ikkje pløyast, grøftast, sprøytast eller gjødslast. Om det er mogleg å få til, kan ein vurdere haustbeite her.

Verdivurdering: Ut frå faktaark for slåttemark frå juni 2015 oppnår lokaliteten høg vekt for areal (om lag 2,5 daa), middels vekt for typevariasjon grunna innslag av fukteng, middels til låg vekt for raudlistearter og middels vekt for arts Mangfald. Her er også potensialet for sjeldne og raudlista artar av beitemarksopp vurdert og inkludert. Den oppnår elles høg vekt for påverknad ut i frå at bruken dei seinare åra har vore riktig i høve til skjøtsel av slåttemark. Den oppnår middels til høg vekt på tilstand ut frå at attgroingsartar framleis dominerer i kantane, samt at skuggeverknaden på den vestlege delen av lokaliteten er stor. Den oppnår middels til låg vekt for landskapsøkologi i og med at det meste av kulturlandskapet i nærleiken er ute av drift, eller er drive svært intensivt. Ut frå dette, samt førekommstane av fukteng oppnår lokaliteten verdien; Viktig – B, med moglegheit for auke av verdien om skjøtselen vert oppretthalden eller forbetra.



Figur 19. Her ser ein den austlege delen av lokaliteten med husa. (Foto: Bioreg as ©).



Figur 20. I den vestlege delen av lokaliteten er skuggeverknadane tydelege. Her finst også mykje einstape i kantane. (Foto: Bioreg as ©).



Koordinat: 475575,1,6986720,3 Skala 1:779 Rotasjon: 0,0 Tegn opp EPSG:32632 (OTF)

Figur 21. Lokaliteten er avgrensa med raud strek.

ROMSDAL

Lok nr. 10. Kvalsnes. Verdi: Viktig - B.

Fraena kommune i Møre og Romsdal

Naturbase-nummer: NY

UTM EUREF89 32V N 6967653 A 401414

Areal: 1,8 daa

Naturtyperegistreringar:

Naturtype: Slåttemark 100 %.

Utforming: Fattig slåtteeng (100 %)

Vernestatus: Ingen

Feltsjekk: 10.07.15 av Solfrid Helene Lien Langmo.

Avgrensingspresisjon: < 5 meter. Målemetode: Avgrensa etter flyfoto og bruk av GPS.

Innleining: Lokalitetsskildringa er utarbeidd av Solfrid Helene Lien Langmo, Bioreg AS, basert på eige feltarbeid 10.07.2015 i samband med kartlegging av utvalde naturtypar på oppdrag for Fylkesmannen i Møre og Romsdal. Lokaliteten er ikkje tidlegare undersøkt, men vart meldt inn som potensiell slåttemark av grunneigaren.

Lokalisering og naturgrunnlag: Lokaliteten består av ei veldrenert lita eng like ovanfor husa på Kvalsnes (gnr 30/2) i Fraena kommune. Den er avgrensa av huset og tunet i sør og av ein veg i aust. I nord og vest er den avgrensa av yngre skog. Berggrunnen består i fylge berggrunnskartet av gneis, vanlegvis åregneis (migmatisk gneis) og lausmassane av tynne havstrandavsetningar. Området ligg i sørboREAL (SB) vegetasjonssone, og på grensa mellom klart oseansk (O2) og sterkt oseansk vegetasjonsseksjon, humid underseksjon (O3h).

Naturtypar, utformingar og vegetasjonstypar: Lokaliteten er avgrensa som naturtypen slåttemark av utforminga fattig slåtteeng (100 %). For det meste er enga frisk til godt drenert. Den er avgrensa av skog på alle kantar. Etter NiN er lokaliteten å rekne som seminaturleg eng (T 32). Naturtypen kulturmarkseng der slåttemark er inkludert er vurdert som; Sårbar - VU i Norsk raudliste for naturtypar frå 2011, medan slåtteeng i seg sjølv er vurdert som; Sterkt truga - EN. Dette er også ein utvalt naturtype etter naturmangfaldlova.

Artsmangfald: Innanfor lokaliteten dominerer artar som bakkefrytle, engkvein, englodnegras (ikkje særleg storvaksen) gulaks, jordnøtt og småengkall,. Meir spreidd vart det registrert mellom anna; aurikkelsvæve, bakkesoleie, blåklokke, engsyre, geitsvingel, knapsiv (i kanten), kvitkløver, kvitsymre, kystgrisøyre, prestekrage og raudkløver (både kløverartane opptrer flekkvis), raudsvingel, ryllik, smalkjempe, sølvbunke, tepperot og nokre få individ av grov nattfiol.

I øvre kant hadde det i fylge grunneigaren tidlegare vore planta solblom, utan at denne vart påvist ved undersøkingane i 2015.

Det er eit godt potensiale for sopp på det meste av lokaliteten. Unntaket er dei små partia der det er mest kløver.

Bruk, tilstand og påverknad: Lokaliteten er halden i hevd ved slått, og i fylge grunneigar Jostein Kvalsnes gjeng denne føre seg i siste del av juli eller først i august. Før vart den slått med slåmaskin, men i det seinare med førhaustar. Noko av arealet har ein gong vore potetåker, og dette kan nok vere med å forklare den noko ujamne arts-samansetjinga. Lokaliteten er i fylge grunneigaren berre svært sparsamt gjødsla med kunstgjødsel, men det har vore brukt noko husdyrgjødsel. Lokaliteten ber tydeleg preg av å vere slått, og har jann fin struktur. Dei fleste av engartane, som blåklokke, småengkall og jordnøtt finst spreidd over det meste av lokaliteten, medan kløveren opptrer noko meir flekkvis.

Framande artar: Lerk, rynkerose.

Del av heilskapleg landskap: Lokaliteten utgjer ein del av eit stort kulturlandskap sør for Frænfjorden. Det meste av dette landskapet er intensivt drive, og ingen liknande lokalitetar er registrerte i området. Ein må likevel rekne med at det kan finnast enkelte mindre område med beitemark og ein del vegkantar som kan ivareta noko av det biologiske mangfaldet knytt til det gamle kulturlandskapet.

Skjøtsel og omsyn: Sein slått slik som i dag, og bakketurking av avlinga er naudsynt for å ta vare på det biologiske mangfaldet innanfor lokaliteten. Det er også viktig å hindre rosekratt og lerk i å spreie seg. Lokaliteten må ikkje pløyast, grøftast, sprøytast eller gjødslast. Om det er mogleg å få til, kan ein vurdere haustbeite her.

Verdivurdering: Ut frå faktaark for slåttemark frå juni 2015 oppnår lokaliteten høg vekt for areal (om lag 1,8 daa), middels vekt for typevariasjon grunna innslag av fukteng, middels til låg vekt for raudlistearter og middels vekt for arts Mangfald. Her er også potensialet for sjeldne og raudlista artar av beitemarksopp vurdert og inkludert. Den oppnår elles middels til høg vekt på påverknad ut i frå at bruken dei seinare åra har vore god i høve til skjøtsel av slåttemark (førhaustinga er med å trekke ned). Den oppnår høg vekt på tilstand ut frå at den er i aktiv bruk. Den oppnår middels til låg vekt for landskapsøkologi i og med at det meste av kulturlandskapet i nærlieken er drive svært intensivt. Ut frå dette oppnår lokaliteten verdien; Viktig – B, med moglegheit for auke av verdien om skjøtselen vert oppretthalden eller forbetra.



Figur 22. Lokaliteten sett frå aust mot vest. Her ser det ut til at englodnegras dominerer fullstendig, noko som ikkje er tilfelle. For det meste er det god avstand mellom stråa, og som nemnt er artar som småeng-kall, jordnøtt og blåklokke spreidde over det meste av lokaliteten. (Foto: Bioreg AS ©).



Figur 23. Lokaliteten er avgrensa med raud strek.

Lok nr. 11. Åsledbakken aust. Verdi: Viktig - B.

Vestnes kommune i Møre og Romsdal

Naturbase-nummer: NY

UTM EUREF89 32V N 6943965 A 405250

Areal: 3,4 daa

Naturtyperegistreringar:

Naturtype: Slåttemark 100 %.

Utfoming: Fattig slåtteeng (100 %)

Vernestatus: Ingen

Feltsjekk: 10.07.15 av Solfrid Helene Lien Langmo.

Avgrensingspresisjon: < 5 meter. Målemetode: Avgrensa etter flyfoto og bruk av GPS.

Innleiing: Lokalitetsskildringa er utarbeidd av Solfrid Helene Lien Langmo, Bioreg AS, basert på eige feltarbeid 10.07.2015 i samband med kartlegging av utvalde naturtypar på oppdrag for Fylkesmannen i Møre og Romsdal. Lokaliteten er ikkje tidlegare undersøkt, men vart meldt inn som potensiell slåttemark av grunneigaren.

Lokalisering og naturgrunnlag: Lokaliteten består av ei eng aust for husa på Åsledbakken i på Vikebukt i Vestnes kommune. Den er avgrensa av meir oppgjødsbla mark i vest, og elles av skog på alle kantar. Berggrunnen består i fylgje berggrunnskartet av diorittisk til granittisk gneis, migmatitt og lausmassane av tjukke morenemasar. Området ligg i sørboreal (SB) vegetasjonssone, og i klart oseanisk (O2) vegetasjonsseksjon.

Naturtypar, utfomingar og vegetasjonstypar: Lokaliteten er avgrensa som naturtypen slåttemark av utfominga fattig slåtteeng (100 %). For det meste er enga frisk, med enkelte noko turrare parti og også nokre mindre parti med fukteng. Etter NiN er lokaliteten å rekne som seminaturleg eng (T 32). Naturtypen kulturmarseng der slåttemark er inkludert er vurdert som; Sårbar - VU i Norsk raudliste for naturtypar frå 2011, medan slåtteeng i seg sjølv er vurdert som sterkt truga - EN. Dette er også ein utvalt naturtype etter naturmangfaldlova.

Artsmangfald: Innanfor lokaliteten dominerer artar som grov nattfiol (fleire hundre individ spreidd utover heile arealet), bakkefrytle, engkvein, gulaks og raudsvingel. Meir spreidd vart det registrert mellom anna blåklokke, englodnegras, jordnøtt, prestekrage, smalkjempe, småengkall, sølvbunke og tepperot, medan kvitkløver og raudkløver opptrer flekkvis på enga. I fuktigare parti finst innslag av hanekam, kvitbladtistel og myrtistel (få individ). Ut mot kantane, særleg i øvre del, finst i tillegg noko krattlodnegras og skogsnelle.

Det verkar å vere godt potensiale for sopp på det meste av lokaliteten.

Bruk, tilstand og påverknad: Lokaliteten er skjøtta ved slått, og har i fylgje brukaren Magnus Jansson aldri vore kunstgjødsbla. Den ber likevel eit visst preg av gjødsling, helst mest grunna at graset i ein periode har vore slått og ikkje fjerna. Opp mot skogen ligg eit gammalt sommarfjøs. Her finst også eit steingjerde. Heile lokaliteten har flat struktur, og artsfordelinga er jamn. Ut mot kanten finst likevel einskilde teikn på attgroing. Sør for lokaliteten er det planta nokre graner.

Framande artar: Nyseryllik, gran

Del av heilskapleg landskap: Lokaliteten utgjer ein del av eit stort kulturlandskap på Vikebukt. Det meste av dette landskapet er intensivt drive, og ingen liknande lokalitetar er registrerte i området, unntake Vikasetra, eit par kilometer sørvest for lokaliteten. Ein må likevel rekne med at det kan finnast enkelte mindre område med beitemark og ein del vegkantar som kan ivareta noko av det biologiske mangfaldet knytt til det gamle kulturlandskapet.

Skjøtsel og omsyn: Sein slått slik som i dag, i kombinasjon med bakketurking av avlinga eit par dagar, er naudsynt for å ta vare på det biologiske mangfaldet innanfor lokaliteten. Det er også viktig å hindre gran i å spreie seg, samt å slå heilt ut i kantane for å unngå spreying av krattlodnegras. Lokaliteten må ikkje pløyast, grøftast, sprøytast eller gjødsla. Om det er mogleg å få til, kan ein vurdere haustbeite her.

Verdivurdering: Ut frå faktaark for slåttemark frå juni 2015 oppnår lokaliteten høg vekt for areal (om lag 3,4 daa), middels til låg vekt for typevariasjon grunna innslag av fukteng, middels til låg vekt for raudlistearter og låg vekt for artsmanagfald. Her er også potensialet for sjeldne og raudlista artar av beitemarksopp inkludert. Den oppnår elles middels til høg vekt på påverknad ut i frå at bruken dei seinare åra har vore god i høve til skjøtsel av slåttemark. Den oppnår høg vekt på tilstand ut frå at den er i aktiv bruk. Den oppnår elles middels til låg vekt for landskapsøkologi i og med at det meste av kulturlandskapet i nærleiken er drive svært intensivt. Ut frå dette oppnår lokaliteten verdien; Viktig – B, med moglegheit for auke av verdien om skjøtselen vert oppretthalden eller forbetra.



Figur 24. Lokaliteten sett frå vest mot aust. Heilt øvst i lokaliteten ser ein det nemnde sommarfjøset. (Foto: Bioreg AS ©).



Figur 25. Lokaliteten er avgrensa med raud strek.
Koordinat: 405293.1, 6943921.7 Skala: 1:1 163 Rotasjon: 0,0 Tegn opp EPSG:32632 (OTF)

LITTERATUR

Litteratur

Jordal, J. B., 2000: Biologiske undersøkingar på fjellgardane og i seterdalane i Grøvuvassdraget, Sunndal kommune. Statusrapport for kulturlandskapet. Fylkesmannen i Møre og Romsdal, Landbruksavdelinga, rapport nr. 3-2000. 84 s. ISSN 0906-0363. ISBN 82-91585-12-1.

Jordal, J.B., 2004. Et gløtt inn i Sunndalsnaturen – en kartlegging av viktige naturtyper. Sunndal kommune, rapport. 262 s. ISBN 82-990812-7-0.

Jordal, J. B. 2011. Supplerande kartlegging av naturtypar i kulturlandskapet i Norddal og Stranda i 2009-2010. Fylkesmannen i Møre og Romsdal, miljøvernnavdelinga, rapport 2011: 01.

Sparstad, K. (2000?) Forvaltningsplan for husmannsplassen Severinbrauta. Stiftelsen for Severinbrauta museum.

Munnlege kjelder

Kjell Kosberg, grunneigar Bergset

Kirsti Pernille Indreeide, prosjektleiar i Stiftinga Severinbrauta

Magnar Jonsson, drivar Åsledebakken

Oddvin Westerås, grunneigar Vesterås

Arnfinn Westerås, grunneigar Vesterås

Ronny Torgersen, grunneigar Muriås

Ole Ytterhaug, grunneigar Nordhaugane på Kleive

Terje Svisdal, drivar Lykkjåan

Torleif Svisdal, tidlegare grunneigar Lykkjåan

Bolette Bele, grunneigar Tjønnberget

Jostein Kvalsnes, grunneigar Kvalsnes

Kjelder frå Internett

Artsdatabanken - [Artskart](#)

VEDLEGG 1

JULI 2015.

FULLE ARTSLISTER FRÅ REGISTRERINGANE I

Artslister SUNNMØRE

Lok nr 1 Vesterås;

Litjegjerdet

bakkefrytle
bjørk
bleikstarr
blåklokke
blåkoll
enghumleblom
finnskjegg
glattmarikåpe
gråstarr
gulaks
harerug
hengeving
kvitbladtistel
legeveronika
markjordbær
osp
raudkløver
raudknapp
raudsvingel
ryllik
skogburkne
skogfiol
skogstorkenebb
smalkjempe
snauveronika
sumptaure
tiriltunge

Lok nr 2 Vesterås; Bruateingen, Små- bakksenden, Litje- bakken og Øvste Starreiten.

bekkeblom
bitterbergknapp
blåklokke
blåkoll
engkvein
englodnegras
engreverumpe
engsmelle
firkantperikum
fjellmarikåpe
fuglevikke
føllblom
harestarr
hundegras
gjerdevikke
gulaks
gulmaure
hundekjeks
kvann
kjeldemosar

kvitbladtistel
kvitmaure
lintorskemunn
markjordbær
raudkløver
raudknapp
raudsvingel
ryllik
ryllsiv
skarmarikåpe
småengkall
småsmelle
tepperot
stormaure
tiriltunge
vill-lauk
åkerstemor

Lok nr 3 Vesterås;

Trekanten
bakkesoleie
bitterbergknapp
blåklokke
engkvein
engreverumpe
engsmelle
engsyre
fuglevikke
gjerdevikke
gulaks
gulmaure
harestarr
humle
hundegras
hundekjeks
kvitkløver
mjødurt
nesler
raudkløver
raudknapp
ryllik
skarmarikåpe
skogburkne
småsmelle
stankstorkenebb
sølvmore

Lok nr 4 Vesterås; Gardskroken, Al- mene og Trekanten

alm (VU)
bitterbergkanpp
blåklokke
blåkoll
engkvein
englodnegras
engreverumpe
engsmelle
firkantperikum

fjellmarikåpe
fjellsmelle
gulaks
gulmaure
harestarr
hundegras
hundekjeks
kvann
kvitbladtistel
kvitmaure
lintorskemunn
markjordbær
småengkall
stormaure
raudknapp
ryllik
tepperot
tiriltunge
vill-lauk
åkerstemor

Lok nr 5 Severin-

brauta
akeleie
bakkefrytle
bakkesoleie
bitterbergknapp
bleikstarr
blåbær
blåklokke
blåkoll
bringebær
einer
enghavre
engkvein
engreverumpe
fjellmarikåpe
frukttre
fuglevikke
gjerdevikke
gran
gulaks
hagelupin
hagerips
hegg
hundegras
hundekjeks
hårsveve
jonsokkoll
krossved
kveke
kvitbladtistel
legeveronika
myrtistel
løytnantshjarte
ormetelg
prestekrage
raudkløver
raudknapp

raudsvingel
reinfann
ryllik
skarmarikåpe
skogburkne
skogstorkenebb
stikkelsbær
storhjelm
storkonvall
stormaure
sølvbunke
timotei
tviskjeggveronika
ungarsyrin
vårpengeurt

Lok nr 6 Muriås;

Storåkeren

bakkefrytle
blåklokke
engkvein
engrapp
firkantperikum
grov nattfiol
gulaks
hundegras
hundekjeks
nesler
prestekrage
raudkløver
raudsvingel
ryllik
skogburkne
skogstorkenebb
skogsvinerot
sølvbunke
tepperot
tiriltunge
tveskjeggveronika
vendelrot

NORDMØRE

Lok nr 7 Bergset

arve sp
bakkefrytle
blåklokke
flekkmure
firkantperikum
fjellmarikåpe
fjellmarinøkkel
engkvein
engsmelle
føllblom
glattmarikåpe
grasstjerneblom
gulaks
gullris
harerug

hårsveve	småbergknapp	sløke	hanekam
kornstarr	småengkall	smalkjempe	hundegras
kvitmaure	småsmelle	småengkall	jordnøtt
maiblom	småsyre	småmarimjelle	kvitbladtistel
marinøkkel	snauberonika	storfrytle	kvitkløver
prestekrage	stormaure	sveve sp	myrtistel
raudknapp	sveve sp	syrin	nyseryllik
raudsvingel	sølvture	tepperot	prestekrage
ryllik	tepperot	tveskjeggveronika	raudkløver
skogfiol	timotei	tågebær	raudsvingel
skogmarihant	tiriltunge	vendelrot	ryllik
slirestarr	tveskjeggveronika		smalkjempe
småengkall	vill-lin		småengkall
snauberonika	vinterkarse		snauberonika
stormaure	vårpengeurt		stormaure
sveve sp	åkersnelle		sølvbunke
tiriltunge	åkerstemor		tepperot
ROMSDAL			
Lok nr 10. Kvalsnes			
Lok nr 9 Tjønnber-			
get			
augnetrøyst sp	bakkefrytle	bleikstarr	blåklokke
bakkefrytle	bakksoleie	blåknapp	englodnegras
bakksoleie	bjørk	blåbær	engkvein
blåklokke	bleikstarr	blåknapp	engsyre
blårapp	blåknapp	blåbær	fuglevikke
bringebær	blåbær	blåklokke	føllblom
dunhavre	blåklokke	blåkoll	geitsvingel
engkvein	blåkoll	einstape	gjerdevikke
englodnegras	einstape	engkvein	grov nattfiol
engsmelle	firkantperikum	firkantperikum	gulaks
firkantperikum	flekkmarihant	flekkmarihant	jordnøtt
flekkmure	frukttre	frukttre	knappsiv
fuglevikke	fugletelg	fugletelg	kvitkløver
geitrams	fuglevikke	fur	kvitsymre
gjeldkarve	fur	gulaks	kystgrisøyre
gjerdevikke	gulaks	geiterams	lerk
grasstjerneblom	gulaks	gjerdevikke	prestekrage
gulaks	gulaks	grov nattfiol	raudkløver
gulskolm	gulaks	gråor	raudsvingel
harerug	gulaks	gulaks	ryllik
hundregras	hanekam	hanebam	rynkerose
hundekjeks	harestarr	harestarr	skarmarikåpe
hårsveve	hegg	hegg	smalkjempe
karve	hengeveng	hengeveng	småengkall
kvassdå	kirsebær	kirsebær	sølvbunke
kveke	knappsiv	knappsiv	tepperot
kvitkløver	liljekonvall	liljekonvall	
kvitmaure	marikåpe sp	marikåpe sp	
lintorskemunn	mjødurt	mjødurt	
marinøkkel	myrfiol	myrfiol	
markjordbær	myrtistel	myrtistel	
nesler	nyseryllik	nyseryllik	
osp	prestekrage	prestekrage	
raudkløver	raudkløver	raudkløver	
raudknapp	raudspringel	raudspringel	
raudspringel	rose sp	rose sp	
reinfann	ryllik	ryllik	
rundskolm	skarmarikåpe	skarmarikåpe	
ryllik	skogstjerne	skogstjerne	
skogkløver	skogstorkenebb	skogstorkenebb	
skogstorkenebb	smalkjempe	smalkjempe	

